

Guangjisi Minzcu Bau

ganhhau: CN45-0036 B.2015 Nd.6 Ng.10 liggaueq ietfeih nienz ndwenseiq ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3177期

Duh'anh: Hwngfat Denyingj Densi Vahcuengh Vunzlai Souh'ik

都安: 发展壮语影视惠百姓

Gaenh bi daeuj, Duh'anh Yauzcuz Swciyen haenqrengz guh minzcuz yingjsi saehnieb gensez gunghcwngz. It fuengmienh guh ndei hong fanhoiz nem ingguh denyingj Vahcuengh. Daj 2008 nienz hainduj, aen yienh neix couh ciuq suswva daeuj guh hong fanhoiz nem ingguh denyingj Vahcuengh, 8 bi gyoep-suenq fanhoiz nem ingguh 45 bouh denyingj Vahcuengh, ndawde denyingj gojgaeq 19 bouh, denyingj gohyoz gyauyuz 26 bouh, youq ndaw

yienh cuengq denyingj 1263 ciengz-baez, doenggvaq daj rog yienh cawx banjenz daeuj cuengqingj 680 ciengzbaez. Aen yienh neix doeng-gvaq youq lajmbnaj cuengq denyingj gohyoz gyauyuz aen Vahcuengh boiqyaem, hawj vunzlai cigsoh rox neiyungz ndaw denyingj, neix doidoengh sevei onjdingh, dazyinx lajmbanj hwngfat ginghci mizyung h gig lai. Lingh fuengmienh guh ndei hong haibo sinhvwnz Vahcuengh. Bi'gvaq 7 nyied 1 hauh, Duh'anh

Youjsen Densidaiz laeb aen lanzmuz 《Sinhvwnz Vahcuengh Duh'anh》. Aen lanzmuz neix aen Vahcuengh dangdieg book, senhconz gak hangh fouqminz cwngecwz dangj raeuz, baudauj gij sinhvwnz daeuz aen singgeiz doxdaug youq ndaw yienh fatseng de, gangj fungsug nem saehcingz gak minzcuz, hawj vunz dangdieg hab'eiq.

(Lanz Fuzgvanh/蓝福宽 Dangz Sezliuj/唐雪柳 Veiz Cinhlingz/韦春玲)

SIUSIK DINJ

简讯

● 6 nyied 2 hauh lajbyongh-ngoenz, Swcigih Minzyijveij lienz-hab Nanzningz Si Minzveij, Minzyijveij gyoebbaenz diuyenzcu, bae daengz Lungzanh Yen Gyauzgen Cin Dingzloz Cunh Gvangjocan, Lungzanh Yen Densidaiz diuyenz gij cingzgvang haibo lanzmuz gvangjbo densi Vahcuengh.

(Ouh Caijfangh)

● 6 nyied 6 hauh, 2000 lai vunz comz daengz Ningzmingz Yen Mingzgyangh Cin Anhmaj Cunh camgya cietfwenbo, yienhciengz gig nauhyied. Ciuq cam rox, daj liggaueq sam daengz haj nyied, aen yienh neix gungh miz 88 aen cunh(mbanj) gvaq cietfwenbo.

(Cauh Yizganh)

● 6 nyied 2 hauh, Swhyenz Yen 2015 nienz lajmbanj yezyiz vwnzyidui vwnzyi comzyienj youq ndaw yienh Cehdenz Myauzcuz Yang Siujdi Cunh hainduj lo. Baez comzyienj neix, Swhyenz Yen Vwnzdijgiz comz Cehdenz Myauzcuz Yang Yezyiz Vwnzyidui, Cunghfungh Yang Yezyiz Vwnzyidui, Gvahlij Yang Yezyiz Vwnzyidui daengz 13 aen yangh (cin) vwnzyidui camgya.

(Lij Bwnjyen)

● Daj 4 nyied ndawnyieb daeuj, Denzyangz Yen Yifung Cin Luzvei, Bahmiu, Sangein, Cangz-gauh, Nwngzdai daengj cunh doenghgij ranz ndaem mak faenfaenz dawz makdauzyouz bae haw gai, ndaej demlai souhaeuj. Ndaude Nazgungh, Bohdungh daengj mbanj doenghgij ranz ndaem makdauzyouz lai de bineix gai makdauz souhaeuj mauhgvaq 10000 maenz, souhaeuj mbouj loek.

(Vangz Gozsun)

● Daj bineix daeuj, Denhdwngj Yen roengzrengz gaijbienq canjyez gezgou nem gunghyez ginghci hwngfat mozsi, haenqrengz guh ndei hong roengzngaenz, bwhguh nem swnghecanj gven-daengz gunghyez hanghmoeg hung, coicaenh gunghyez ginghci gaijbienq gezgou nem mungigvangyez bienq hwngfat fuengsik. 1 daengz 4 nyied, daengx yienh gij gunghyez baenz gveihmoz doxhwnj de cungjancjiz 8.09 ik maenz.

(Vangz Lilanz)

Lingzyinz Yen Cauzlij Yauzcuz Yangh Bwzcauz Cunh Banh Ban Son Dajsiuq

凌云县朝里瑶族乡百朝村举办刺绣培训班



6 nyied 2 hauh, aen dajsiuq beiz-yinbanh youq Lingzyinz Yen Cauzlij Yauzcuz Yangh Bwzcauz Cunh hai ban lo, aen ban neix heuhguh Suijlibu Dinghdiemj Fuzbinz Daih' cibngeih Cuj Bangfuz Lingzyinz Yen Bwzcauz Cunh Nem Bwzswz Gencuz Yozyau Dajsiuq Ciz-yez Ginwngz Beiz-yinbanh, baez beiz-yin neix yack banh ndwen lai. Beizyibanh son' gyauq dajsiuq giheuj cih-siz, hongdawz nem doenghyienh guh dajsiuq, fuengfap dawzcim dajsiuq daengj. 50 lai boux mehmbwk Yauzcuz louzmbanj camgya beizyin. Ndaew doz dwg gyoengq yoz-yenz Yauzcuz cingq ciensim geiq cihsiz.

(Vangz Yenz-yungz/黄元荣 Luz Swngyez/卢胜业 ingi)

Yungzsuij: Lwngnyez Myauzcuz Maij Yawj Dungvaben Vahmyauzcuz

融水: 首部苗语动画片深受苗娃喜爱

Geij ngoenz gonq, Yungzsuij Myauzcuz Swciyen bouh dungvaben daih'it aen Vahmyauzcuz boiqyaem heuhguh 《Byaimuenzdaeng》 youq Yungzsuij Myauzcuz Siujyoz sawq cuengq lo, gyoengq nyez Myauzcuz gig maij yawj.

Bouh dungvaben 《Byaimuenzdaeng》 neix dwg bouh cozbinj daeuz aen vwnzva Myauzcuz guh daez, youz Gvangjsih Densidaiz Gunghung Binzdau Dungman Cicozbu ingguh,

Yungzsuij Myauzcuz Swciyen Myauzyingj Fuzvubu Vahmyauzcuz Boiqyaemcuj fanhoiz. 《Byaimuenzdaeng》 ciuq gojriuz ndawbiengz Myauzcuz daeuj gaijbien, gangj le cit gojgaeq gvendaengz dahsau gveijgvaig vabeghab heuhguh Meijhoz caeug daegmbauq Myauzcuz heuhguh Duhlinz dingj gveijgvaig rinnyaz. Ndaew bouh dungva neix yienghsiengq vunz yienhda, dungcoz gvaqmauh youh dwggayez, bouxboiq

yienj yienghnyezoiq dwggayez dangqmaz, caiq gya Vahmyauzcuz depgyawj vunzlai, neix gig ndei dwk sonyinx gyoengq nyez Myauzcuz.

Ciuq cam rox, bouh dungvaben neix youq 6 nyied 2 hauh daengz 14 hauh moix haemh 18:00 youq Gvangjsih Densidaiz Gunghung Binzdau book.

(Fung Sauswh/凤绍师 Veiz Yungzcinh/韦荣春)